

Broj :05-45-5-2765-2/26
Sarajevo , 25.03.2026.godine

**PARLAMENT FEDERACIJE
PREDSTAVNIČKI / ZASTUPNIČKI DOM**
Tajnik /Sekretar

**Hamdije Kreševljakovića br. 3.
71 000 Sarajevo**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 30-03-2026			
Org. jed.	Broj	Priloga	Vrijednost
05/1	-02-	109	/26

PREDMET: *Odgovor na zastupničku inicijativu koju je podnijela zastupnica Begajeta Čaušević, dostavlja se*

Veza: *Vaš Akt broj:05/1-109/26 od 13.03.2026.godine*

Poštovani,

U vezi Vašeg Akta broj i datum gornji (zaprimljenog dana 17.03.2026.godine) odnosno zastupničke inicijative koju je podnijela zastupnica u Zastupničkom domu Parlamenta Federacije BiH Begajeta Čaušević na 29. redovnoj sjednici Zastupničkog doma Parlamenta Federacije Bosne i Hercegovine održanoj 11.03.2026.godine, u prilogu ovog akta se dostavlja **Odgovor na navedenu zastupničku inicijativu.**

Treba napomenuti da je Vaš Akt broj:05/1-109/26 od 13.03.2026.godine, naslovljen na Vladu Federacije BiH, Zavod zdravstvenog osiguranja i reosiguranja Federacije BiH i Zavod za javno zdravstvo Federacije BiH, te da je isti dostavljen Federalnom ministarstvu zdravstva, Zavodu za javno zdravstvo Federacije BiH i ovom Zavodu i od strane Vlade Federacije BiH, uz njihov Akt broj:03-04-555-23/2026 od 17.03.2026.godine (zaprimljen dana 19.03.2026.godine sa priloženom navedenom zastupničkom inicijativom).

S poštovanjem,

Priloga(1)

Dostaviti: 1.Naslovu

2. Vlada Federacije BiH
Hamdije Čemerlića br.2
71000 Sarajevo
Tajnik Vlade C.O.

3.Federalno ministarstvo zdravstva C.O.

4.a/a



DIREKTOR

Izv. prof. dr. sc. Vlatka Martinović, dr.med.



Broj : 05-45-5-2765-1/26

Sarajevo , 25.03.2026.godine

ODGOVOR

*NA ZASTUPNIČKU INICIJATIVU KOJU JE PODNIJELA BEGAJETA ČAUŠEVIĆ,
ZASTUPNICA U ZASTUPNIČKOM DOMU PARLAMENTA FEDERACIJE BIH*

Sarajevo mart 2026. godine

Adresa: Trg Heroja 14, Sarajevo
Telefon: +387 33 728 700
Fax: +387 33 655 856
E-mail: zavod@zzofbih.ba
Web: www.zzofbih.ba
JIB: 4200642000008

UNION BANKA Sarajevo

Depozitni račun, KM: 102 05 000 000 64018
Glavni transakcijski račun, KM: 102 05 000 000 70808
Transakcijski račun, KM: 102 05 000 000 88753
Transakcijski račun, KM: 102 05 000 000 26964
Transakcijski račun, EUR: 102 05 000 000 70808
IBAN CODE: BA39 102 05 000 000 70808



U vezi zastupničke inicijative koju je podnijela zastupnica u Zastupničkom domu Parlamenta Federacije BiH Begajeta Čaušević na 29. redovnoj sjednici Zastupničkog doma Parlamenta Federacije Bosne i Hercegovine održanoj 11.03.2026.godine, daje se, u okviru nadležnosti Zavoda zdravstvenog osiguranja i reosiguranja Federacije BiH, vezano za navedenu inicijativu odnosno vezano za prijedlog za „,sprovođenje skrining programa za otkrivanje porodične hiperholesterolemije kod djece prilikom obaveznog pregleda na upisu u osnovnu školu“, sljedeći:

ODGOVOR

I

Prije svega treba napomenuti da se iz sredstava fonda solidarnosti Federacije Bosne i Hercegovine osiguranim licima na teritoriji Federacije Bosne i Hercegovine te i kategoriji djece, obezbjeđuje ostvarivanje prava na zdravstvenu zaštitu, saglasno Odluci o utvrđivanju osnovnog paketa zdravstvenih prava (“Službene novine Federacije BiH”, broj: 21/09) i Odluci o utvrđivanju prioriternih vertikalnih programa zdravstvene zaštite od interesa za Federaciju Bosne i Hercegovine i prioriternih najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine (“Službene novine Federacije BiH”, br. 08/05, 11/07, 44/07, 97a/07, 33/08 i 52/08), a u skladu sa obimom zdravstvenih usluga koji je utvrđen Programom zdravstvene zaštite.

Programom zdravstvene zaštite koji se finansira sredstvima federalnog fonda solidarnosti, obuhvaćeni su sljedeći programi namijenjeni isključivo djeci:

- *urođene srčane mane kod djece (dječija kardiohirurgija);*
- *PET/CT;*
- *program novorođenačkog skrininga na kongenitalni hipotireoidizam, fenilketonuriju i adrenalnu hiperplasiu;*
- *program profilakse respiratornog sincicijalnog virusa (RSV) ugroženih grupa djece, sa lijekom Palivizumab;*
- *program nabavke traka i aparata za kontrolu šećera u krvi kod djece;*
- *oboljenja i stanja iz oblasti dječije onkologije i*
- *ugradnja kohlearnog implantata kod djece.*

Ostali programi, koji nisu dobno podijeljeni primjenjuju se u skladu sa propisanim, doktrinarnim stručno – medicinskim uputstvima koji ne podrazumijevaju dob kao jedan od kriterija za prednost.

Međutim, budući da su sredstva u Fondu solidarnosti limitirana, prilikom korištenja ovih usluga u određenim slučajevima kao prednost uzima se dob pacijenta.

U skladu sa Pravilnikom o uslovima i postupku upućivanja osiguranih lica na liječenje u inostranstvo (Službene novine Federacije BiH br. 93/13 , 102/15, 16/19 i 22/19) , na liječenje u inostranstvo na teret federalnog fonda solidarnosti mogu se uputiti pacijenti oboljeli od određenih oboljenja predviđenih ovim Pravilnikom pri čemu se za određena oboljenja mogu upućivati samo djeca dok se u određenim slučajevima prilikom korištenja ovih usluga kao prednost uzima dob pacijenta.

II

Osim navedenog napominje se da Zavod zdravstvenog osiguranja i reosiguranja Federacije Bosne i Hercegovine nije nadležan za autentično tumačenje odredaba Zakona o zdravstvenom

osiguranju („Sl. novine Federacije BiH“ br. 30/97, 7/02, 70/08, 48/11 i 36/18), odredaba Zakona o zdravstvenoj zaštiti („Službene novine Federacije BiH“, br. 46/10 i 75/13) niti odredaba Odluke o utvrđivanju osnovnog paketa prava („Službene novine Federacije BiH“, broj: 21/09) i odredaba Pravilnika o kontinuiranoj profesionalnoj edukaciji iz oblasti rane detekcije, intervencije i praćenja razvojnih poremećaja kod djece od rođenja do polaska u školu („Službene novine Federacije BiH“, broj: 26/23) nego je za isto nadležan Parlament Federacije BiH kao donosioc ovih Zakona i Odluke te federalni ministar zdravstva kao donosioc navedenog Pravilnika. Takođe ovaj Zavod nije nadležan saglasno članu 22. Zakona o organizaciji uprave u Federaciji BiH („Službene novine Federacije BiH“, broj 35/05), da daje stručna pojašnjenja odnosno odgovore na pitanja vezana za izvršavanje navedenih zakona, odluke i pravilnika odnosno pojedinih odredbi istih, nego je za isto nadležno, kao organ uprave iz sektora zdravstva, Federalno ministarstvo zdravstva.

Ipak upućujemo na određene/u odredbe/odredbu Zakona o zdravstvenoj zaštiti i Odluke o osnovnom paketu i navedenog Pravilnika, a koje su vezane za zastupničku inicijativu.

Iz Zakona o zdravstvenoj zaštiti Federacije BiH, vezano za skrining programe i preventivnu zaštitu djece i omladine, treba napomenuti sljedeće članove i to: član 12. – propisuje između ostalog da se društvena briga za zdravlje pod jednakim uvjetima na teritoriji Federacije ostvaruje osiguranjem zdravstvene zaštite stanovništvu Federacije, kao i grupacijama stanovništva koje su izložene povećanom riziku obolijevanja, zdravstvenu zaštitu osoba u vezi sa sprečavanjem, suzbijanjem, ranim otkrivanjem i liječenjem bolesti od većeg socijalno-medicinskog značaja te definiše i specifičnu zdravstvenu zaštitu djece i omladine kao prioritetnu oblast, koja obuhvata praćenje rasta i razvoja, rano otkrivanje poremećaja i sistematske preglede; član 21. – kojim je propisano načelo sveobuhvatnosti zdravstvene zaštite ostvaruje se uključivanjem svih građana Federacije u sistem zdravstvene zaštite, uz primjenu objedinjenih mjera i postupaka zdravstvene zaštite koje obuhvataju promociju zdravlja, prevenciju bolesti na svim nivoima, ranu dijagnozu, liječenje i rehabilitaciju.; član 32. i 33. – kojim se između ostalog propisuje da se zdravstvena djelatnost obavlja se na primarnom, sekundarnom i tercijarnom nivou zdravstvene te da zdravstvena zaštita na primarnom nivou obuhvata, između ostalog i djelatnost zdravstvene zaštite djece i da primarna zdravstvena zaštita između ostalog obuhvata i prevenciju, liječenje i rehabilitaciju bolesti i povreda, specifičnu preventivnu zdravstvenu zaštitu mladih, naročito u osnovnim i srednjim školama, te visokim školama na svom području, član 116. – kojim se propisuje da Zavod za javno zdravstvo Federacije BiH između ostalog, planira, predlaže, prati i evaluira specifičnu zdravstvenu zaštitu mladih, naročito u osnovnim i srednjim školama, te na fakultetima, prati i evaluira provođenje preventivno-promotivnih programa, te drugih mjera zdravstvene zaštite, predlaže i provodi zdravstveno-statistička istraživanja u svrhu praćenja, procjene i analize zdravstvenog stanja stanovništva, kao i organizacije zdravstvene zaštite, provodi stručna i naučna istraživanja iz oblasti javnog zdravstva, - vodi populacione registre o oboljenjima za teritoriji Federacije, te nadzire prikupljanje podataka i koordinira rad ostalih registara u zdravstvu i dr.

U Odluci o utvrđivanju osnovnog paketa zdravstvenih prava u tački VI je propisano da se:

„ Osnovnim paketom zdravstvenih prava obezbjeđuje se provođenje javno-zdravstvenih i preventivno-promotivnih aktivnosti od strane domova zdravlja i zavoda za javno zdravstvo u Federaciji.

Vlada kantona, na prijedlog kantonalnog ministra zdravstva, utvrđuje program javno-zdravstvenih i preventivno-promotivnih aktivnosti od interesa za kanton.

Vlada Federacije Bosne i Hercegovine, na prijedlog federalnog ministra, utvrđuje program javno-zdravstvenih i preventivno-promotivnih aktivnosti od interesa za Federaciju.

Federacija odnosno kanton osiguravaju finansijska sredstva za provođenje programa javno-zdravstvenih i preventivno-promotivnih aktivnosti iz svoje nadležnosti."

Iz Pravilnika o kontinuiranoj profesionalnoj edukaciji iz oblasti rane detekcije, intervencije i praćenja razvojnih poremećaja kod djece od rođenja do polaska u školu vezano za skrining programe i preventivnu zaštitu djece i omladine, treba napomenuti da isti između ostalog propisuje odnosno definišu cilj pravilnika/edukacije, a to je uspostavljanje jedinstvenog sistema rane detekcije (skrininga) i intervencije pri čemu se naglašava rano prepoznavanje provođenja javnog skrininga i identifikacije odstupanja u razvoju kao i praćenje razvoja djeteta kroz odrastanje, propisuje nositelje edukacije te između ostalog da to može biti zavod za javno zdravstvo, pri čemu nosioca edukacije verificira Federalno ministarstvo zdravstva, koje i donosi rješenje kojim se utvrđuje ispunjenost uslova za obavljanje edukacije

Također saglasno članu 2. Zakona o organizaciji uprave u Federaciji BiH („Službene novine Federacije BiH”, broj 35/05) organi uprave, pa i Federalno ministarstvo zdravstva, su dužni da u poslovima iz svoje nadležnosti, pripremaju zakone i druge propise kada o tome odluči organ zakonodavne ili izvršne vlasti, odnosno kada samostalno ocijene da je potrebno donijeti zakon ili drugi propis ili treba izvršiti izmjene i dopune zakona ili drugog propisa iz oblasti za koju su nadležni..” te i Zakona o zdravstvenoj zaštiti („Službene novine Federacije BiH”, br.46/10 i 75/13), Zakona o zdravstvenom osiguranju kao i Odluke o utvrđivanju osnovnog paketa zdravstvenih prava.

Saglasno prethodno navedenom Vlada Federacije BiH, vlade kantona u Federaciji BiH, Federalno ministarstvo zdravstva, kantonalna ministarstva zdravstva su nadležni za utvrđivanje prijedloga i programa javno-zdravstvenih i preventivno-promotivnih aktivnosti od interesa za kantone i Federaciju BiH, a Federalno ministarstvo zdravstva je takođe nadležno za pripremu zakona i drugih propisa, kao i izmjene i dopune zakona ili drugih propisa iz oblasti za koju su nadležni, pa i Zakona o zdravstvenoj zaštiti, Zakona o zdravstvenom osiguranju, te i Odluke o utvrđivanju osnovnog paketa kao i navedenog Pravilnika te i drugih propisa iz sektora zdravstva.

Naglašava se i da organi na nivou kantona (skupštine kantona, vlade kantona, ministarstva zdravstva kantona i dr.) saglasno odredbama člana 13. Zakona o zdravstvenoj zaštiti („Službene novine Federacije BiH”, br.46/10 i 75/13) u okviru svojih nadležnosti i „društvene brige za zdravlje na nivou kantona ”treba da poduzimaju mjere za „osiguranje i provođenje zdravstvene zaštite od interesa za građane na području kantona ”(donose zakone i podzakonske akte iz nadležnosti kantona, uređuju i vode zdravstvenu politiku i provođenje reforme iz oblasti zdravstva od interesa za područje kantona;prate zdravstveno stanje stanovništva i rad zdravstvenih ustanova na području kantona, kao i staraju se o provođenju utvrđenih prioriteta u zdravstvenoj zaštiti, stvaraju uvjete za pristupačnost i ujednačenost korištenja primarne i sekundarne zdravstvene zaštite na području kantona i dr.)

Dakle, nadležni za predmetno pitanje odnosno predmetnu inicijativu su, saglasno gore navedenom, Vlada Federacije BiH, vlade kantona u Federaciji BiH, Federalno ministarstvo zdravstva, kantonalna ministarstva zdravstva i Zavod za javno zdravstvo Federacije BiH te i drugi gore navedeni organi na nivou kantona.

Osim navedenog na osnovu odredaba Pravila i postupaka za izradu zakona i drugih propisa Federacije Bosne i Hercegovine („Službene novine Federacije BiH“, broj:71/14) „postupke za izradu pripreme propisa“, „učestvovanje zainteresirane javnosti u postupku pripreme pravnih propisa i drugih akata“ tj. informisanje „zainteresirane javnosti“, „konsultacije“, uključivanje zainteresirane javnosti kroz „članstvo u radnim tijelima“ kroz „partnerstvo“ obezbjeđuju nadležni federalni organi odnosno Federalno ministarstvo zdravstva kao obrađivač federalnih propisa iz sektora zdravstva te i Vlada Federacije BiH.

Dakle i u pogledu predmetne inicijative, saglasno prethodno navedenom ponavljamo da je Federalno ministarstvo zdravstva nadležno za pripremu zakona i drugih propisa, kao i izmjene i dopune zakona ili drugih propisa iz oblasti za koju su nadležni, pa i Zakona o zdravstvenoj zaštiti, Zakona o zdravstvenom osiguranju, te i Odluke o utvrđivanju osnovnog paketa kao i navedenog Pravilnika te i Zavod za javno zdravstvo Federacije BiH za postupanja vezana za predmetnu inicijativu, a u okviru svojih propisanih nadležnosti.

III

Dakle ovaj Zavod u okviru svojih nadležnosti u potpunosti obezbjeđuje ostvarivanje prava na zdravstvenu zaštitu djece, a koja je vezana za programe zdravstvene zaštite koji se finansiraju sredstvima federalnog fonda solidarnosti, odnosno koje su u nadležnosti ovog Zavoda i koji su navedeni u tački I ovog akta.

Postupanja vezana za prijedlog za „,spvođenje skrining programa za otkrivanje porodične hiperholesterolemije kod djece prilikom obaveznog pregleda na upisu u osnovnu školu“ nije u nadležnosti ovog Zavoda, nego drugih gore navedenih nadležnih organa koje bi trebali učestvovati u rješavanju istog, a ovaj Zavod se, u okviru svojih, nažalost ograničenih nadležnosti, uvijek stavljao odnosno stavlja na raspolaganje za poduzimanje onih aktivnosti, naravno iz njegove nadležnosti, koje bi mogle doprinijeti rješavanju određenih pitanja te tako, ako bude potrebno i pošto se radi o jednoj od najosjetljivijih kategorija-djeci i rješavanju ovog pitanja.

Ovaj Zavod, ostaje, kao i do sada, na raspolaganju za davanje, saglasno pozitivnim propisima i na Vaše traženje i drugih potrebnih informacija iz njegove nadležnosti rada.

S poštovanjem,

Dostaviti: 1. Naslovu

2. Vlada Federacije BiH
Hamdije Čemerlića br.2
71000 Sarajevo
Tajnik Vlade C.O
3. Federalno ministarstvo zdravstva C.O.
4. a/a



DIREKTOR

Izv. prof. dr. sc. Vlatka Martinović, dr.med.